

Širawt ta tazzarat iktab Butros

Šihulawen

¹ Awa nak Butros imosan anammazul ən Ƴaysa Əlməsix, a din-ihulan iməzzəgzan win wazawaznen, əmosan iğərab dağ kallan ən Fontəs, əd Galatəya, əd Kabadokəya, d Asəya, əd Bitinəya. Isinafran-tan Məššina

² di n Abba harwa dat alwaq əs masnat-net d ənnizam-net. Ig-en aytedan a sər-əs əskâtnen s əssəbab n Infas wa Zəddigan, fəl ad abbardagan i Ƴaysa Əlməsix, təwəzəzdəgan deɣ s əzni-net. Məššina ya təzizabbe-du fall-awan arraxmat, d alxer wər nəla əddukad.

Tišit n əlməsixi

Agoda i Məššina attama wa danax-ikfa

³ Təmmal i Məššina di n Abba n Əməli-nana Ƴaysa Əlməsix. Təhanint-net wər nəla əddukad as danax-iga aytedan əgânen təhəwt taynayət, fəl ad nagu təməddurt təgât s attama ittiddan, s əssəbab ən tanakra ən Ƴaysa Əlməsix dağ təməttant,

⁴ nəgrəw deɣ təkasit n arət wər nətəməndu, wər itəmədis, za wər itəbəkəssit, a dawan-itiwagazan dağ jənnawan.

⁵ Kawanay a ogaz Məššina əs tarna-net, fəlas əzəgzan a təgam, fəl ad təgrəwam efsan. Efsan win isimatak-kan Məššina fəl ad təwəgrəwan dağ azzaman win əɣrud n əddənet.

6 Isëffëliwëset-kawan awen, kuddey as ëmëreda ihhiššal a kawan-zëzzëkënzëran jarrabatan ëmosnen ëzzënefan, mišan ya awen wër z'ihag.

7 Jarrabatan win, ëntanay a sataddinen as-sahat n ëzëgzan-nawan ogaran urëy almaqam. Urëy iman-net wër iyel, amaran temsay a day itawaggu fël ad itëwëssën kud imos wa n ëlësäl wala. Ezzëgzan-nawan da za kundaba itawajarrab. Eddi amaran, assaxa wa du-z-azzabbat Yaysa Elmësix, itëwësenëfilël y ëddënet ketnet, ad tëgrëwam tëmmalën d ëdkul ëd saymar, s ëssëbab n assahat n ëzëgzan-nawan.

8 Yaysa Elmësix tërâm-tu tëzzigzanam sër-ës da wër tu-tënyam harwa da. Awen day a fël tëgam tëfalawist as tu-wër-illa i ifragan emel-net za wër tu-tëlla tulat-net.

9 Tëfalawist tëdi tëgâm-tat fëlas aggad a tëgam ëlmëxsud n ëzëgzan-nawan, a t-imosan agaraw n efsan.

10 Efsan win di, ëyyëwanan ënnëbitan win ëmalnen arraxmat ta dawan-z-agu Mëššina agamay d ëgërri-nasan.

11 Eddgâzan wëllen day ad ëssënan awa mosan azzaman d alxalaten, win z'assakninen awa imal Infas n Elmësix. Infas wa, illa gur-san kala da; amaran imâl-asan alxazab wa z'agu Elmësix ëd tanaya ta du-za-tëlkëmat y awen.

12 Isannafalal Mëššina y ënnëbitan as isalan win d-ëgrawan den, wërgëy ëntanay a d-ëkkan, kalar kawanay a d-ëkkan, iwâr-tan a dawan-tan-agin. Isalan win ëntanay a dawan-ëmalan mëssësëxra win sasaxrinen Elinjil ës tilalt n

Infas wa Zëddigan. Infas wa, ijënnawan a day d-itawasagla. Ælinjil, angalosan da sidaranan wëllen masnat-net.

Alxal wa issəymaran Məššina

¹³ Dad zamas tayttay-nawan tösimatag y əššəxəl, təttafam deḡ alwasat day arat kul, wədi agiwat attama-nawan ketnet day arraxmat ta za təgrəwam ḡur əzəbbi ən Ḡaysa Ælməsix d ənəfilal-net y əddənet.

¹⁴ Bardagat y Æməli-nawan, awa taggin bararan y abba-nasan, tammazzayam d arak deranan win as kala a tan-tətaggim harwa ad təmosam aljahilan.

¹⁵ Æmmək was zəddig wa kawan-d-iḡran əs man-net, əmmək en day as kawan-iwar ad izdag alxal-nawan kawanay da,

¹⁶ Fəlas iktâb as: «izdagat, fəlas nak əmizdag a mosa.»

¹⁷ Amaran dad zamas təgannim day təwatriwen-nawan «Abba» i wa wər nəzlay aytedan, kalar ixakkam akkiyyan day-san əs mazalan-net, day adi agiwat təməddurt a day təksudam Məššina day azzaman win əmərədda, a day təmosam inaftaxan day əddənet.

¹⁸ Alxal wa dawan-d-oyyan marawan-nawan wər infa wala. Təssānam as Məššina irzām əlqim zəwwəran y a kawan-d-ikkəs day anamod ən təməddurt wen. Amaran inazzan win den, wər əgen s əzrəf, wala urəḡ a mosnen aratan tamandinen,

¹⁹ kalar azni ilân almaqam wëllen n Ælməsix as əgan. Azni wa, iha əlmital n əzni n aḡajol wər nəḡa əlḡib.

²⁰ Ælməsix tēga fall-as masnat dat əxluk n əddənet, amaran itawasanafalal daɣ azzaman win əlkamnen a fəl əddəlil-nawan.

²¹ Əddəlil-net a fəl təzzəgzanam əs Məššina s ənta t-id-issənkaran daɣ təmattant ikf-ay tanaya. Adi a d-ewayan as təzzəgzanam əs Məššina tēgam daɣ-as attama-nawan.

²² Təzzizdaɣam iman-nawan s əbərdəg wa tēgam i tidət fəl ad tagim ənəmərə igân s əwəl iyyanda, awa taggin mədrayan. Daɣ adi akniwat ənəmərə əs wallan zaddoggen.

²³ Əssənat as təhəwt taynayət a tēgam təlāt ələsəl ixlâlan, wərgəɣ təhəwt ta n aggadəm təmosat arət wər nəɣləl. Kalar awal ən Məššina ixlâlan ihakku təməddurt a imosan ələsəl ən təhəwt ta tēgam da.

²⁴ Id iktâb as: «*Aggadəm wər izlay əd yel, tanaya-net deɣ ketnet wər təzlay əd təjigay ən yel. Yel amaran taɣart a itag tərtək təjigay-net,*

²⁵ *mišan awal wa n Əməli ənta, ill-ay, ixlâl.»*

Amaran awal wen Əlinjil wa dawan-ittəmalan a t-imosan.

2

Awa təmos tamattay ta n Məššina

¹ Daɣ adi sənnəməggəgat iman-nawan d a imosan əzzəngu, əd təkərras, əd təlmənufəqa əd manjaɣ, d əzgən.

² Awal ən Məššina zun ax wər nəqqrer a dawan-imos. Agiwat-as tara ta taggin bararan əs səket əhəwan y əx, fəl a kawan-issədwəl daɣ tišit-nawan əlməsixitan.

³ Tara ten da a das-za-tagim as imos as «tənayam kawanay iman-nawan awa dər ogda əllux n Əməli.»

⁴ Zənnəmihezət iman-nawan d Əməli s ənta a imosan təhunt təddarat, tas aytedan za əgaran-tat-in, xur Məşşina amaran ənta a təmosat təhunt ta tənnefranat təla almaqam.

⁵ Dad zamas kawanay da təmosam zun təhun əddarnen, itawakras sər-wan ahan n əlxibada ən Məşşina əs tilalt n Infas wa Zəddigan, wədi təqqalam ilimaman zaddoggen hakki-nen şikutawen şin imal Infas wa Zəddigan s əntanatay a əgraznen i Məşşina əs tarrayt ən Yaysa Əlməsix.

⁶ Ənta Məşşina inna day Əlkəttaban: «*Ənəyat, əssinsa day Səyon təhunt ta təkabbalat ehan, tənnefranat, təlat almaqam. Wa sər-əs izzəgzanan, wər z'ikərukəd.*»

⁷ Day adi kawanay a əzzəgzannen, təkf-iwan təhunt ta ətəwəsəymar. Aytedan amaran win wər nəzzəgzan əssənənet as: «*Təhunt ta din-əgaran makrasan, ənta a təqqalat təhunt ta təkbalat ehan.*»

⁸ *Amaran təhunt ta təmos təsənkəft y aytedan, tətagadl-en.*»

Təhunt ten nakkafan-as aytedan, tətagadl-en, fəl tugəyt ta əgan s ad əzzəgzənan s Awal ən Məşşina, amaran tugəyt ten da a dasan-tətawatasat.

⁹ Kawanay amaran:

«Tawşet tənnefranat a təmosam, tiddawat ən limaman ən Məşşina di n Əmənokəl, təmosam harwa da axtəf iskatan əs Məşşina,

təmosam deŷ tamattay-net.

Ikkas-kawan-du

fəl ad təmmalam igitan simaklalten,»

win iga id ənta a kawan-d-iŷran daŷ ŷiyyay,
ig-iwan daŷ ənnur-net isinahalan əmələwləw.

¹⁰ Kawanay dat awa, wər təmosam fadda tamattay, amaran əmərədda təqqalam tamattay ən Məššina. Dat awa wər təgrewam əhənəttə fadda, əmərədda amaran təgrawam-tu.

Alxal wa iwaran əlməsixitan

Alxal wa iwaran əlməsixitan gar-essan d aytedan

¹¹ İmaran-in dad zamas əddənət a inaftayan əd ɣərab a daŷ-as təmosam, wədi onsâyaq-qawan ad tənəməggəgam d arak deranan win aggadəm, fəlas əntanay a əmosnen izənga n əzəgzan-nawan.

¹² Ad wər tammazzayam d alxal wa olaŷan dat aytedan win wər nəksud Məššina. Əddi as imos as sawaran-kawan bahutaŷ ən tišit ən nəsgufa, iman-nasan as z'ənəyan igitan olaŷnen win tətəggim daŷ anamod wen, awəy-du sər-san awen saŷmar n Əməli əzəl wa du-z-asu.

¹³ Bardagat i muzaran-nawan kul fəl udəm n Əməli, gər əmənokəl s ənta a ixkaman fəl arat kul,

¹⁴ wala deŷ inaxkiman-net win d-izammazal imos əššəxəl-nasan əwəddəb n aytedan win tagginen təkma, əd tahakkay n almaqam i win tamazalnen awa olaŷan.

¹⁵ Məššina a ira ad tətəggim awa olaŷan fəl ad tədbəŷam imawan n ark aytedan n aljahilan.

¹⁶ Agiwat alxal ən lallan, mišan əlləllu-nawan a tu-wər-tagim arat a daw təssolamam aššar, kalar taggiwat imazalan n as təmosam eklan ən Məššina.

¹⁷ Səxmərat aytedan kul. Iriwat imədrayan-nawan kul dəy əzəgzan. Iksadat Məššina, təssəxməram imənokalan-nawan.

¹⁸ Eklan, bardagat i məssawwan, tagim-asan saxmər kul wa kawan-iwaran, gər za əmosan aytedan olaḡnen, lammodan, wala dəy əmosan ark aytedan labasnen,

¹⁹ fəlas arraxmat a imos ad izmər awedan, izəzzəydər d aḡazab imosan tādłəmt, as imos əs təkatawt ən Məššina a fəl iga awen.

²⁰ As imos as təgeḡ abakkad, ma imos aroz wa za təgrəwa dəy əzəzzəydər d attadib n awen? Mišan ya as imos as təmosaḡ awedan itamazalan awa olaḡan, amaran təzmâra y ətəwəzəḡəzzab imosan tādłəmt, wədi əssən as arraxmat a təgrəwa ḡur Məššina.

²¹ Awalla, ənta da da awas tətəwəḡram, fəlas Əlməsix iman-net da iḡḡizzab fall-awan, oyy-awan-du almasal, fəl ad təl-kəmam y awa iga.

²² Əlməsix amaran, ənta *as wər kala ad iga abakkad, za wala iga bahu y awedan waliyyan.*

²³ Ənta a iyyəwanan ətəwərbə, mišan wər izzəzal. As itawəzaḡəzzab, wər iga arak batu y awedan waliyyan, kalar talḡa-net kul as tat-iga dəy əfus n Əmašraḡ wa Oḡadan a t-imosan Məššina.

²⁴ Ənta dəy a itawataytayan fəl təgəttəwt, idkal ibakkadan-nana, nəga əd bakkadan ənəməggag wa təga təməddurt əd təmattant,

fəl ad nagu tēməddurt a day noxâd. Day adi Ēlməsix ənta a kawan-izzozayan əs busan win day-as tawagganen.

²⁵ Ēstizarat təmosam zun ayfəd əssiggalnen, mišan əməredəda təqqalam-du amadan-nawan, s ənta a imosan əmagaz ən man-nawan.

3

Alxal wa iwaran əlməsixitan day azalaf

¹⁻² Kamatay dey šidoden, bardagmat i meddan-nakmat. As təgamat adi, kud imos as wiyyad day-san wər əzzəgzanan s awal ən Məššina da, as hannayan alxal-nakmat olâx zəddig, hannayan dey saymar wa dasan-təgamat, a sər-san d-awəy awen əzəgzan da wər dasan-təššewalmat.

³ Ad wər əqqəlmat təhussay-nakmat arat iwâran azzahir xas, a du-wər-eway ar əzzənəfan ən latafan wiyyad əmmittaynen, madex uxonan n urəx, wala šibədday əknanen əzzəwi.

⁴ Kalar əgməymat šihussay šin əxbarnen day əwəl, s əntanatay a wər nəgəmməd, əmosnen talmat d əsənsi ən tayttay. Šihussay den da šin əknanen təla n almaqam yur Məššina.

⁵ Ənta den day əmmək was dallagnat tədoden šin dat awa a əskatnen əs Məššina əgânat day-as attama-nasnat, əbbirdagnat i meddan-nasnat,

⁶ zun Sarata, s awa təga y Ibrahim day əbərdəg, a das-təgannu: Məšši. Ēməredəda kamatay a mosnen šibararen-net, as imos as

tətamazalmat awa olağan a day wər toyymat iman-nakmat təggəz-kamat tasa n arat waliyyan.

⁷ Kawanay deḡ meddan agiwat i tədoden-nawan tidawt tēgât s ənəməsəsəgra, a day təssânam fəl tišit a əgânat tədoden šinərkam. Səxmərat-tanat, fəlas tədrawam dər-əsnat təkasiṭ n arraxmat təmosat təməddurt. As dasnat-təgam adi, wər tilla a z'inkəfan i təwatriwen-nawan.

Alxal wa iwaran əlməsixitan gar-essan

⁸ Xasil iliwat tayttay iyyadda, tilem tafrəyt i təkmawen n aytedan kul. Əqqələt aytedan a day təggət tara ta təllat gər mədrayan d əlluḡ d iban zazwar ən man.

⁹ Ad wər təzazalam day aytedan win dawan-tagğanen təkma wala takaggaran-kawan. Kalar tattarat-asan a dasan-igan arraxmat, fəlas awen da as tətawayram s a tu-tətaggim, fəl ad təqqəlam iməkkusa ən maruzat ta dawan-tənsat.

¹⁰ Ənnan Əlkəttaban:

«As ira awedan ad igrəw təməddurt a day
iddəwat,
ifaw-du fall-as ijilan a day inniflay,
wədi agəzet iləs-net day təkma,
igdəl-as əlləfəd n awa imosan šikərras.

¹¹ *Isənnəməggəget iman-net əd təkma,
ad itamazal awa olağan.*

Igməyet alxer, išşikəl day-as.

¹² *Amaylol iswâd day aytedan win oyadnen,
amaran iqabbal šiwatriwen-nasan.*

*Amaran win əššokalnen day təkma, akyud a tan-
iga.»*

Alxal wa olaxan attalal n Elmæsix a t-imosan

¹³ Awak ma imos wa dawan-z-agin tækma as imos as tæsīgatakkem daɣ əmazal n awa olaxan?

¹⁴ Amaran as imos as affaw-du fall-awan əzəl iyyan a daɣ təɣɣizzabam fəl as təmmozalam awa oɣadan, wədi təbbilalam!

Ad wər tiksadam awa əksudan aytedan, amaran ad wər əɣšədan man-nawan.

¹⁵ Zəzwərat daɣ wallan-nawan Elmæsix imosan Əməli, tarɣim as ənta a imosan Əmizdag. Səmmutəgat faw y əsəssəgri n awedan kul wa kawan-issəstanan daɣ batu n attama wa təgam.

¹⁶ Awen amaran agiwat-tu əs talmat əd saɣmar n aytedan. A tu-wər-iməl arat waliyyan a daɣ-qawan təha tərək. As iga adi edag iman-net wa daɣ sər-wan tawagginat batuten əbrarnen, a daɣ-as kərəkədan aytedan win jajargannen alxal olaxan wa təgam daɣ tassa-q-nawan d Elmæsix,

¹⁷ fəlas ofa ad aɣɣazzab awedan itamazalan əlluɣ, as imos as awen daɣ a ira Məššina, y ad aɣɣazzab awedan itamazalan tækma.

¹⁸ Elmæsix iman-net iga alɣazab iyyanda, aba-tu fəl bakkadan n aytedan. Ənta wa n alɣadil, aba-tu fall-awan kawanay a wər nəɣdel, fəl a kawan-izənnəmihez əd Məššina. Təmattant ta n təɣəssa-net a iga, mišan iddar-du əs tarna n Infas Wa Zəddigan.

¹⁹ Amaran tarna n Infas wa Zəddigan as igla Elmæsix iga təlɣutbat i win əhanen alaxirat əɣfəlan.

²⁰ Aytedan win əntanay as kala ad əffəllagan əs Məššina daɣ azzaman ən Nux. Azzaman di izizaydar Məššina iqqəl y ad iɣrəd Nux akaras n

əxlal-net. Ettam aytedan ɣas a əggaznen əxlal wen əragan-du daɣ akonak wa n Nux.

²¹ Arat wen əlmital a imos n alamaɣ daɣ aman was ənta a kawan-issəfsan əmərədda əs tarna tas d-inkar ɣaysa Əlməsix daɣ təmattant. Alamaɣ wa wərgəɣ əsirəd ən šiday fəl təxəssa a imos, kalar igi n arkawal dat Məššina əs man wər təha tərək waliyyat a t-imosan.

²² Illikan as ɣaysa Əlməsix a d-obazan ɣur əgəzzəy-net əs jənnawan, iqqim daɣ əxil ən Məššina, angalosan, əd təmənukəla kul əd taymaren kul əbbirdagan-as.

4

¹ Daɣ adi, dad zamas Əlməsix da təxəssa-net tənây alɣazab, kawanay da səmmutəgat y arat zun wen da. Fəlas awedan wa iɣəzzaban əs təxəssa-net daɣ anamod wen, wədi immizzay əd bakkadan.

² Awen daɣ a fəlas a obazan ɣur azala, ad wər tələsam šiiyyit ən man-nawan təlkamam i deranan win aggadəm, kalar əlkəmat i tara ən Məššina daɣ awa din-iqqiman daɣ təxərras-nawan.

³ Igd-awan awas kala tu-təgam, imosan awa əran aytedan wər nəssen Məššina. Wər təzlayam a təmmoalam, tətəggim arak deranan, təmosam imaşwan n esmad. Tətəggim tettay tagget, əd tassay tagget, təɣbâdam əssənəman əmosnen arat issiksadan.

⁴ Amaran ark aytedan win isimaklal sər-san as dasan-wər-təlkemam daɣ arak mazalan win taggin əmosnen əsəssikəy aggen daɣ təmazrəyt, əqqiman amaran ɣašşadan-awan esəm.

⁵ Kundaba æbdadan fæl mazalan-nasan dat wa isammatagan y ad išrəx win æddarnen æd win aba.

⁶ Awen day a fəlas win æmosnen inəmməttan æmərədda, da itiwamal-asan Elinjil. Arat wen itiwagg-asan fæl ad awwaddaban æs tēməwit tas tawaddaban aytedan day æddənet, agin deŷ dəffər awen tēməddurt a day innoda Infas wa Zəddigan æs tēməwit ta ira Məššina.

⁷ Təzərəst n æddənet təhōz. Eqqəlat aytedan əlanen əzzəbun tannadim day man-nawan, fæl ad təfrəgam igi ən təwatriwen.

⁸ Zuzərat y arat kul ənəmərə aggen gar-ewwan, *fəlas tara, ənta a təhakkīt təsureft ən bakkadan aggotnen.*

⁹ Eqqəlat aytedan iha amagaru gar-ewwan æs man ərdānen.

¹⁰ Akkiyyan day-wan agiwet i win hadatnen tənfa æs təhəkkūt ta təgrawam s arraxmat ən Məššina. Emmək di da as za təqqəlam inaxlifan olaŷnen n arraxmaten aggotnen šin dawan-iga Məššina.

¹¹ I day-wan iššewalan, aget awal n as Məššina a t-id-izammazalan. I day-wan idahhalan imidawan-net, idhəlet-tan æs fərregat ta danaŷ-ihakku Məššina fæl ad itəwəsəŷmər Məššina day arat kul, æs tarrayt ən Ÿaysa Elməsix. Ənta a ilan tarna, æd tanaya har faw! Amin!

Allam fəl man d ənnəsixa y aytedan day azzaman win alyazab

Alyazab fəl Elməsix

¹² Imaran-in, ad wər əqqənan ɣafawan-nawan i təmsay n aɣazab ta kawan-təhat əddi təmos jarraba-nawan, a das-wər-tagim iduf n as igraw-kawan arat immittayan.

¹³ Kalar isəffəliwəset-kawan as tədrâwam d Əlməsix aɣazab, fəl ad taknim təfalawist əd tədəwit assaya wa du-za-tənəfiləl tanaya-net.

¹⁴ Təbbilalam kawanay win tawarbadnen fəl as kawan-ila Əlməsix id Infas wa ilan tanaya, a t-imosan Infas ən Məššina, a dər-wan iddewan.

¹⁵ A kawan-wər-iggəz i iɣɣizzaban fəl igi ən man, wala šikra, wala tišit n anasgafa, madeɣ awedan itaggazan šixawšiwən a tu-wər-nəqqəl.

¹⁶ Mišan as tətəɣazzabam fəl tišit n əlməsixitan, a kawan-wər-isəkkərukəd awen, kalar sənnəməlat fəl Məššina, fəl awer wa kawan-iga esəm n Əlməsix.

¹⁷ Fəlas alwaq ewad-du wa daɣ z'antu əššəriɣa, amaran tamattay ta n Məššina as inta. Daɣ adi dad zamas nakkanay as issənta əššəriɣa-net, ma dər za talu təsəlkamt ən win wər nəzzəgzan s Əlinjil-net?

¹⁸ Ənnan Əlkəttaban: «*Dad zamas aytedan win oɣadnen da gərrid as z'afsin, ma dər z'alın win wər nəksud Məššina əššokalan daɣ igi ən bakkadan?*»

¹⁹ Daɣ adi win təɣazzabnen daɣ əddənət fəl as əmmožalan tara ən Məššina, aginet iman-nasan daɣ təɣlift n Əmaxlak n əkkulluk n arat, s ənta a imosan aɣadil, aglin daɣ əmazal n awa olaɣan.

5

Tizart daɣ Əlkənisat

1 Æmæredða ad agax ænnæsixatan ækkânæn win day-wan æmosnen imuzaran n Ælkænisat. Æššewalax-asan s esæm æn tišit-in æmuzar nak da, šilat-nasan, æmosa deŷ tægæyya n alyazab n Ælmæsix, æddewa dær-æs deŷ day tanaya ta du-za-tænæfilêlat.

2 Ædænæt eharay wa kawan-issæŷlaf Mæššina. Æssænæt day-as s a wær næmos æššil, kalar æs man ærdænæn s æmmæk was ira Mæššina. Ad wær tætaggim adi fêl tara n æddænæt, kalar taggiwat-tu s æwêl iglayan.

3 Ad wær tætaggim adi s æddæguz æn mæzzægzan win kawan-tawasaxlafnen, kalar agiwat-as igi a day tæmosan almasal olaŷan i tamattay æn Mæššina.

4 Æddi assaxa wa du-z-inæfilêl æmuzar æn madanan n ælmæsixitan, ad tægrewam maruzat tæmosat tækêbbut æn tanaya wær nêtæmændu.

5 Æmmæk en day as æxreŷ aytedan win æmosnen tæmmædræyt s ad abbardagan i muzaran n Ælkænisat. Day tassaŷ ta tægam, æqqêlat aytedan æssirasnen iman-nasan, gar-ewwan, fêlas a ænnan Ælkêttaban: «*Mæššina iŷnâz y aytedan win æzzæzwarnen iman-nasan, amaran win æsserasnen iman-nasan arraxmat-net a tan-ihakku.*»

6 Šæræsæt iman-nawan dat Mæššina di æn Mæššis æn tarna, fêl a kawan-izzæzwær alwaŷ was otas.

7 Agiwat talŷiwen šin kawan-æššêwašnen kul day tæŷlift æn Mæššina, fêlas ænta a day-wan issanan.

8 Æqqêlat aytedan ænnodanæn day man-nasan, tænkêdam. Azangaw-nawan Iblis,

itiḡələyḡələy-kawan zun ahar ihhirnanan, igamay i ijalaqqat.

⁹ Egdəlat-as iman-nawan, s ad təsəggətəkkem daḡ əzəgzan. Təssānam as imədrayan-nawan daḡ əzəgzan, taggin alyazab olān əd wa da tətəggim əddi daḡ adag kul wa əhan daḡ əddənət.

Igi n attama daḡ Məššina daḡ alyazab

¹⁰ Məššina di n Əməggi n arraxmat, s ənta a kawan-d-iḡran əs tanaya-net təḡlalət daḡ tassaḡ d Əlməsix, ənta iman-net əs dawan-italam fəl man, isisuhit-kawan, ihakk-iwan fərregat n ad təzəzzəwem daḡ əzəgzan, dəffər as təḡām arət ən tamert n alyazab.

¹¹ Ənta a ilan tarna har faw! Amin!

Šihulawen šin əlkamnen

¹² Eḡeḡ-awan-in arət ən batuten šin əsiktəba Silfanus imosan amədray-nana n alyadil, əmosnat ənnəsixa y-awan, əd təḡəyya y-awan əs arraxmat ən Məššina ta n tidət, ənta əddi da təḡrawam əddi təzizawem daḡ-as.

¹³ Təhul-kawan-in Əlkənisat ta n əḡrəm ən Babəylon, əs Məššina a tat-isannafranan zun awa dawan-iga. Barar-in Markus da ihul-kawan-in.

¹⁴ Nəsəsləmat ketnawan əs təzələmma šin tinəməggin mədrayan. Ig-awan Məššina alxer ketnawan kawanay a ərtaynen d Əlməsix!

